



## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Secunda sessio.

**urn:nbn:de:hbz:466:1-10502**

ille paratum se esse respondit, Patrum voluntati parere, omnesque in sanctæ Synodi potestate futuros. Itaque vocati intro omnes, Idem Nicolaus Colonus protestationem paulò ante à se factam reuocauit, tam suo, quàm aliorum nomīne, eamque perinde haberi voluit ac si non esset facta, tum Reuerendus Iacobus Franciscus Cardanus Synodi Promotor Notarios vocauit, vt huiusmodi reuocationem in acta referrent. Cumq; in gratiam præfatorum Procuratorum in Decreto sub titulo de Clericalibus ædibus addita essent infrascripta verba: nisi Episcopus in alicuius vrgenti necessitate, aliter faciendum esse duxerit, cuius Conscientiam in hoc valde oneramus; & addita essent etiam nonnulla verba in Decreto quod incipit Nè Parochi. sub eodem titulo, & deinde omnes confedissent, Illustris. Metropolitanus illos humanissimè est alloquutus, nihil sibi & sanctæ Synodo magis cordi & caræ esse, quàm vt ipsis quàm maximè satisficeret: eo loco tractari materias non definiri, quod propriè in sessionibus fit: aduocari illos vt liberè loquātur si quid eis ad Synodum referendum videretur, hac de causa legi Decreta, vt si quæ occurrant, illorum dubitationes audiantur.

Synodum equi boniq; consulturā, quidquid ab eis diceretur, quæ igitur in his decretis eis graua viderentur explicarent, Insurum se iterum Decreta legi, vt planius & apertius omnia percipiant: si quid esset difficultatis, Synodum rationem reddituram. Petierunt legi Decreta de non locandis Domibus Beneficiorum Laicis, De cohabitatione Clericorum cum mulieribus, & de residendo Parochialibus, etiam si Canonicatus in Cathedralibus haberent. satisfecit illis in omnibus Metropolitanus: Decretorum equitatem & honestatē ostendit. De extremo quod grauissimum videbatur, id ex Concilij Tridentini mēte esse dixit, & Sanctis. D. N. id etiam apertius declarasse, nec quidquam noui constitui. denique verbis humanissimis, suam, & Synodi totius erga illos pietatem & benevolentiam indicauit, iussitque illos bono animo esse, sibi que sem-

per priuatim cum vellent, aut sanctæ Synodo, verbo aut scripto quidquid videretur referrent.

His peractis statutus est dies tertius Nouembris ad proximam sessionem celebrandam.

Quidam Procuratores Capitulorum petierunt, an eis liceat ad suas Ecclesias reuerti, præsertim in aliquib<sup>9</sup> festis diebus, & deinde tempore sessionis redire.

Respondit Illustris. Metropolitanus, si plures sint Procuratores, potest vnus recedere, & id quidem vicissim, modò hic vnus aliquis semper remaneat. quibus dictis soluta est Congregatio.

#### Secunda Sessio.

Eodem Anno, Indictione, & Pontificatu, feria quinta xxv. mensis Octobris celebrata est secunda sessio sacri Concilij Prouincialis Mediolan. mane hora decimasexta conuenerunt Patres omnes ad Ecclesiam Maiorem. Reuerendis. Vigleuan. celebravit Missam de Spiritu sancto solenni more, ex Instituto Diui Ambrosij. Illustris. Metropolitanus sedit cum duobus Cardinalibus sub umbella ad dextrum cornu altaris cum pallijs seu cappis purpureis; Ita vt non medius inter Cardinales, sed primus propius Altari sederet. Missa absoluta R. P. Benedictus Palmius latino sermone orationem habuit. Illustris. Metropolitanus accessit ad cornu sinistrū Altaris ad faldistorium, & indutus est solitis Pontificalibus ornamentis, & veste sacra: Itidem & Patres sua Pluuialia & Mitras induerunt, dicentibus interea Cantoribus psalmum. Quàm dilecta tabernacula &c.

Illustris. Metropolitanus sacro ornatu ad altare accessit, dictæque sunt orationes, hymni & litanæ, solenni ritu & cæremonijs de more. omnibus absolutis, secretarius accessit ad Illustris. Metropolitanum, & de eius manu accepit Decreta, quæ publicanda erant: & ascenso ambone legit hæc verba: Hæc sunt decreta, quæ proponuntur sanctæ Synodo ab Illustris. & Reuerendis. Domino Carolo Borromæo S.R.E. Prefbytero Cardinali, ac p vniuersam Italianam Sanctis. D. N. Papæ, & sanctæ Sedis

Sedis Apostolicæ de latere Legato, Dei, & eiusdem Apostolicæ Sedis gratia Archiepiscopo Mediolanen. Deinde alta voce decreta plurima legit, quæ in constitutionibus huius Synodi videre licet. quibus lectis, idem Secretarius dixit: Illustriſſ. & Reuerendiſſ. Domini, Reuerendiſſimiq; Patres, placent ne hæc omnia vobis? alter Secretarius vnâ cū Notarijs, accessit primò ad Illustriſſ. Metropolitanum, eumq; interrogauit an placerent Decreta? qui respondit: Placent. Deinde accessit ad Illustriſſimum Tranenſem, qui dixit, placere sibi omnia cū protestatione iam facta: Iussitq; Secretarium præsentibus Notarijs legere cedulam quandam; qui coram Illustriſſ. Domino Tranenſi submissa voce eam legit, & est tenoris huiusmodi: Placet mihi, vti exemplo, virtute spontaneæ electionis per me factæ interessendi in præfenti Synodo iuxta facultatē mihi concessam id faciendi à Decreto Concilii Tridentini, & cum reservationibus, protestationibus, ac alijs verbis, ac clausulis conseruatorijs dictæ immunitatis, exemptionis, ac libertatis meæ, & meæ Ecclesiæ, & de quibus in instrumento rogato per Dominum Notarium Synodi sub die 25. præsentis mensis Octobris, quæ etiam hic sint pro repetitis. & si in dicta Synodo quidquam hæctenus dixi aut feci, in futurumq; dicam aut faciam, aliquo modo præiudiciale immunitati, libertati, & electioni meæ prædictis, id totum inhærendo alijs reuocationibus iam factis iteratò reuoco, & pro non dicto & facto haberi volo, nunc & in futurum, & sic prout supra respondeo, interfui & intersum, & non aliter nec alio modo. Cæteri Patres responderunt simpliciter per verbum. Placent: excepto Reuerendiſſ. Vigleuanen. qui dixit: Non placet Decretum de duabus particulis sacræ Eucharistiæ.

Relatis votis per Secretarium, Illustriſſimus Dom. Metropolitanus dixit: Decreta placent omnibus præter vnum, cui illud non placet, vt duæ particulæ sacræ Hostiæ, cū ad infirmos itur, à Sacerdote deferantur, & ideo Deo agenda sunt gratiæ. Patres responderunt, Deo gratias: Secretarius qui erat in am

Pars III.

bone legit decretum indictionis futuræ sessionis, ijsdem verbis, quibus & proxima fuit indicta: tum Promotor Notarios rogauit, vt supra, & hymno dicto, Te Deum laudamus, omnes recesserunt. Interfuerunt autem huic sessioni, præter Reuerendiſſ. Patres Dominos Episcopos, Procuratores Episcoporum absentium, Capitulum Cathedralium Ecclesiarum, & Cleri Ciuitatum, Proto notarij multi, Abbates, Commendatarii, Præpositi sæculares & regulares, & Excellentissimus Senatus Mediolanen. cum quamplurimis nobilissimis viris.

#### Quinta Congregatio publica.

Habitæ sunt deinde multæ aliæ congregationes publicæ, in quibus decreta in proxima sessione publicanda Patribus proponebantur, ac si quæ in ijs essent difficultates, discutiendæ proponebantur: sed nè paulò iusto longiores videremur, ea omnia silentio inuolueresatius visum est nobis.

1565. Die Veneris 2. Mensis Nouembris mane.

IN Congregatione priuatim habita, Patres cum iam finem Concilij instare viderent, & aliqua tractata, sed nondum plenè discussa superessent; Decree runt remittere ad Illustriſſimum Metropolitanum decreta conficienda super materijs infraſcriptis videlicet.

De obseruandis à prædicatoribus.

De visitatione.

De modo exequendi functiones sacrorum & minorum ordinum. Volueruntq; vt Decreta super his ab eodē Illustriſſ. Metropolitano condita, eandem auctoritatem haberent, ac si in publica congregatione fierent. Et quia reformatio Monialium in pluribus Congregationibus tractata ac discussa, & comprobata erat; super ea tamē decreta latina lingua adhuc condita non fuerant, sed vulgari lingua scripta erant, remiserunt Patres eidem Illustriſſ. D. vt iuxta consensum Patrum super eam Decreta edi curaret.

Tractatum præterea fuit inter patres de conficiendo libello casuum reſeruatorum

I rura